

REGLUGERÐ

37

10. marz

um breyting á reglugerð nr. 1 13. janúar 1961, um ferskfiskeftirlit.

37. grein reglugerðarinnar orðist svo:

Ferskfiskeftirlitið metur ferskan fisk í þrjá aðalflokka eftir gæðum, þannig:

1. fl. Fiskur, hæfur í alla matvælaframleiðslu.
2. fl. Fiskur, sem ekki er hæfur til frystingar, en hæfur til verkunar í lægri gæðaflokka saltfisks og skreiðar.
3. fl. Óvinnsluhæfur fiskur, t. d. fiskur, sem ber merki um súr eða ýldu eða er morkinn úr netum.

Meta má í fleiri flokka, ef verðlagsgrundvöllur eða aðrar ástæður gefa tilefni til. Fiskmatsráð gefur eftirlitsmönnum fyrirmæli um nánari skilgreiningu flokkanna.

Reglugerð þessi er sett samkvæmt heimild í 5. gr. laga nr. 42 9. júní 1960, um ferskfiskeftirlit, til að öðlast gildi þegar í stað og birtist til eftirbreytni öllum þeim, sem hlut eiga að máli.

Sjávarútvegsmálaráðuneytið, 10. marz 1961.

Emil Jónsson.

Gunnlaugur E. Briem.

SAMÞYKKT

38

11. marz

fyrir Veiðifélag Árnesinga.

1. gr.

Félagið heitir Veiðifélag Árnesinga. Heimili þess og varnarþing er á Selfossi.

2. gr.

Félagssvæðið er allar þær jarðir, sem land eiga að eftirtöldum laxveiðiám og eru þær þessar:

Ölfusá:

Óseyrarnes, Hraun, Hraunshjáleiga, Lágur, Hraunshóll, Flóagafi, Hallskot, Kaldaðarnes, Lambastaðir, Kálfhagi, Arnarbæli, Auðsholt, Auðsholtshjáleiga, Ósgerði, Kirkjuferja, Kirkjuferjuhjáleiga, Litla-Sandvík, Kotferja, Stóra-Sandvík I—II, Eyði-Sandvík, Björk, Geirakot, Nabbi, Stekkar, Þórustaðir, Árbær, Selfoss I, II og III, Hellir og Fossnes, Laugardælur, Laugarbakkur, Tannastaðir.

Sog:

Alviðra, Torfastaðir I og II, Miðengi, Bildsfell, Tunga, Ásgarður, Syðri-Brú, Búrfell I og II.

Höskuldslækur:

Stóra-Borg, Foss, Mýrarkot, Hraun.

38 Hvítá:

- 11. marz** Skrúðvangur, Öndverðarnes, Stóra-Ármót, Snæfoksstaðir, Vaðnes, Langholt I og II, Hallandi, Stóru-Reykir, Litlu-Reykir, Arnarbæli I og II, Kiðjaberg, Hestur, Brúnastaðir I og II, Oddgeirshólar, Höfði, Austurkot, Hjálmholt, Laugar, Árhraun, Gislastaðir, Vatnsnes, Hamrar I og II, Útverk, Miðbýli, Fjall I og II, Iða I og II, Skálholt I og II, Laugarás, Auðsholt I—IV, Höfði, Hvítárholt, Bræðratunga I og II, Hvítárbakki, Ásakot, Lambhúskot, Galtalækur, Krókur, Borgarholt, Borgarholtskot, Bryðjuholt, Kópavatn I og II, Gróf, Skipholt I og II, Bergsstaðir, Drumboddsstaðir I og II, Einholt, Haukholt I og II, Foss, Hlíð, Gýgjarhóll I og II, Gýgjarhólskot, Bratt-holt, Tungufell, Jaðar I og II.

Brúará og Hagaós:

Sólheimar, Kringla, Bjarnastaðir, Þórisstaðir, Reykjanes, Mosfell, Sel I og II, Spóastaðir, Hagi, Grund, Miklaholt, Syðri-Reykir, Böðmóðsstaðir, Leynir, Efri-Reykir, Efstidalur I og II.

Hólaá:

Ketilvellir, Miðdalur, Laugardalshólar, Útey, Austurey I og II.

Tungufljót:

Hrosshagi, Torfastaðir, Reykjavellir, Brautarhóll, Stóra-Fljót, Fell, Fellskot, Vatnsleysa I og II.

Fullsæll:

Tjörn, Brekka.

Andalækur:

Miðhús, Úthlíð, Hrauntún, Stekkholt, Austurhlíð, Hlíðartún, Dalsmynni.

Litla-Laxá:

Efra-Langholt I og II, Langholtskot, Ásatún, Efra-Sel, Syðra-Sel, Hrafnkelsstaðir I—III, Gröf, Grafarbakki I og II, Hvammur I og II, Högnastaðir, Hvítárdalur, Ás, Túnberg, Reykjadalur, Hruni, Þverspyrna, Berghylur, Klúftir, Flúðir.

Stóra-Laxá:

Unnarholt, Unnarholtskot, Bjarg, Eiríkubakki, Ósabakki, Syðra-Langholt I—III, Syðra-Langholt IV, Birtingaholt I—III, Reykir, Reykjahlíð, Reykhóll, Sandlækur I—II, Sandlækjarkot, Skarð, Ásbrekka, Háholt, Hæll I—II, Hrepphólar, Breiðás, Hólakot, Núpstún, Sóleyjarbakki, Hlíð I og II, Sólheimar, Laxárdalur, Hörgholt, Kaldbakur, (Hrunakrókur), afréttarlönd.

3. gr.

Verkefni félagsins er að efla góða fiskigengd og arðsemi veiðihlunninda á félagssvæðinu og að ráðstafa veiði eins og hér segir:

1. Reka sameiginlega veiði.
2. Leigja stangaveiði.
3. Heimila félagsmönnum veiði í fastar veiðivélar eða á stöng. Ráðstafa mega þeir stangaveiði til annarra, ef svo ber undir. Félagið tekur til allrar veiði á félagssvæðinu.

4. gr.

Óheimilt er öllum að veiða á félagssvæðinu, nema með skriflegu leyfi félagsstjórnarinnar. Í leyfinu skal tekið fram um veiðitíma og veiðitæki og með hvaða kjörum leyfið er veitt. Stangaveiði má aðeins leigja til eins árs í senn, nema lög-

mætur fundur samþykki og tekið hafi verið fram í fundarboði, að lengri leiga sé til umræðu. **38**

11. mars

Félagsmönnum er bannað að hafa með höndum ádráttarnet, nema að þeir geti sannað að nota eigi þau til veiði í vatni utan félagssvæðisins.

5. gr.

Stjórn félagsins skal skipuð 7 mönnum og jafnmörgum til vara. Skal jafnan 1 aðalstjórnarnefndarmaður, að minnsta kosti, vera af eftirtöldum svæðum: 1. Ölfushreppur, 2. Selfosshreppur og Sandvíkurhreppur, Eyrarbakki, 3. Hraungerðishreppur og Grímsnes, 4. Gnúpverja- og Hrunamannahreppar og Skeið, 5. Biskupstungur og Laugardalur.

Varamaður gengur til fulls í stjórnina, ef aðalmaður deyr eða vikur úr stjórninni á löglegan hátt, áður en kjörtími hans er liðinn. Varastjórnarmenn taka sæti í stjórninni á sama hátt og aðalmenn.

Stjórn félagsins, aðalmenn og varamenn, skulu kosnir til 3 ára í senn og ganga þeir úr stjórninni á víxl, fyrsta árið einn, annað árið tveir eftir hlutkesti og síðan eftir starfstíma í stjórninni. Enginn félagsmaður getur skorazt undan kosningu í stjórn félagsins, nema um jafnmörg ár og hann hefur áður verið í stjórninni. Með samþykki hans má endurkjósa hann. Stjórnin skiptir með sér verkum til eins árs í senn. Formaður kveður til funda og stjórnar þeim. Stjórnarfundur er lögmaður, ef meira en helmingur stjórnarmanna er á fundi. Úrslitum mála ræður afl atkvæða, en séu þau jöfn ræður atkvæði formanns.

Allar fundargerðir stjórnarinnar skulu ritaðar í gerðabók og skrifa viðstaddir stjórnarmenn undir þær.

6. gr.

Stjórnin hefur á hendi allar framkvæmdir félagsins milli aðalfunda. Hún fær menn sér til aðstoðar við þau störf í þágu félagsins, sem vinna þarf á hverjum tíma og semur við þá um þóknun fyrir. Formaður er fulltrúi félagsins út á við og hefur yfirumsjón með öllum störfum félagsins og fjárreiðum.

7. gr.

Aðalfund skal halda í aprilmánuði ár hvert. Á aðalfundi skýrir stjórnin frá störfum félagsins á liðnu ári og leggur fram tillögur um starfsemi þess á næsta ári. Þá skal hún leggja fram endurskoðaða reikninga félagsins og leggja þá undir úrskurð fundarins.

8. gr.

Reikningsár félagsins er almanaksárið. Stjórninni ber að færa reikninga í gerðabók félagsins, sem henni er skylt að halda, svo og innfæra í bókina samþykktir félagsins, félagaskrá, gjaldskrá, fundargerðir og bréf.

9. gr.

Arði af sameiginlegri veiði skal skipt niður á félagsmenn samkvæmt arðskrá. Félagsmenn greiði gjöld til félagsins í sömu hlutföllum og þeir taka arð.

10. gr.

Félaginu skal heimilt að starfa í deildum, ef $\frac{2}{3}$ félagsmanna samþykkja það á aðalfundi eða meiri hluti á framhaldsaðalfundi, ef málið verður ekki afgreitt á aðalfundi vegna ónógrar fundarsóknar. Tala deilda og starfssvæði þeirra skal ákveðin á aðalfundi á sama hátt.

a. Verkefni deilda er að ráðstafa veiði á starfssvæðum sínum.

- 38 11. marz b. Stjórn deildar skipa 3 menn, formaður og tveir meðstjórnendur, og eru þeir kosnir á aðalfundi. Þá skal einnig kjósa 2 varamenn.
- c. Stjórn deilda hefur á hendi allar framkvæmdir þeirra milli aðalfunda. Gilda sömu reglur um stjórn þeirra og um stjórn félagsins, sbr. 6. gr.
- d. Aðalfund deilda skal halda í aprilmánuði ár hvert. Um boðun hans skal farið á sama hátt og um boðun funda í veiðifélaginu og gildir einnig sama um aukafundi.
- e. Á aðalfundi deilda skal ákveða, hvernig ráðstafa skuli veiði á deildasvæðinu. Stjórn veiðifélagsins þarf að samþykkja ráðstafanir deilda á veiði, til þess að þær öðlist gildi. Ef deila ris út af ákvörðun félagsstjórnar má vísa málinu til úrskurðar aðalfundar félagsins.
- f. Reikningsár deilda er hið sama og félagsins, og ber að haga reikningshaldi, skráningu fundargerða og fleiru á sama hátt og ákveðið er í 8. gr.
- g. Stjórnir deilda skulu sjá um skiptingu veiði, leigja út veiði og innheimta greiðslur fyrir og skipta arði milli félaga deildanna samkvæmt arðskrá félagsins. Þá skulu þær annast greiðslur til veiðifélagsins í sama hlutfalli og arður er greiddur. Endurskoðaða reikninga deilda skal leggja fyrir aðalfundi þeirra til samþykktar og síðar fyrir aðalfund veiðifélagsins og úrskurða fundirnir um þá.
- h. Deildir má leggja niður ef $\frac{2}{3}$ félagsmanna samþykkja það á aðalfundi veiðifélagsins, og starfar þá félagið áfram samkvæmt 1.—10. gr.

11. gr.

Brot á samþykkt þessari varðar sektum samkvæmt XVII. kafla laga nr. 53/1957 um lax- og silungsveiði.

Samþykkt þessi, sem er gerð samkvæmt lögum nr. 53 5. júní 1957, um lax- og silungsveiði, staðfestist hér með til að öðlast þegar gildi, og birtist til eftirbreytni öllum þeim, er hlut eiga að máli. Jafnframt fellur úr gildi samþykkt nr. 110/1940.

Landbúnaðarráðuneytið, 11. marz 1961.

Ingólfur Jónsson.

Þorv. K. Þorsteinsson.

39

16. marz

S A M Þ Y K K T

um lokunartíma sölubúða og sölustaða í Siglufirði.

1. gr.

Sölubúðum í Siglufirði skal lokað eftir því sem ákveðið er í 2. og 3. gr. samþykktar þessarar. Sama gildir um sölustaði, þar sem innlendur varningur er hafður á boðstólum til sölu og hans ekki neytt á staðnum.

2. gr.

Alla virka daga skal sölubúðum og sölustöðum eigi lokað síðar en kl. 18 og þær eigi opnaðar aftur fyrr en kl. 9 árdegis næsta virkan dag. Þó skulu vera frá þessu undantekningar, sem nú skal greina:

Aðfangadag jóla skal eigi lokað síðar en kl. 13 og á gamlársdag kl. 12 á hádegi. Þriðja dag jóla skulu sölubúðir opnaðar kl. 10 f. h. Síðasta virkan dag fyrir aðfangadag jóla er heimilt að halda sölubúðum opnum til kl. 24, svo og er heimilt að